



ANDIJON VILOYATIDA INNOVATSION FAOLIYAT

Innovatsiya – barqaror rivojlanish omili

Mamlakatimiz iqtisodiyotini rivojlantirishda innovatsion g'oyalarni o'z vaqtida amaliyotga, jumladan ilm-fan va sanoatga keng tadbiiq etish – islohatlar samaradorligining bosh mezonidir. Innivatsiya bozor talabidan kelib chiqqan holda jarayonlar va mahsulotlarning sifatli o'sish samaradorligini ta'minlash uchun joriy etilgan yangilikdir. Har qanday turdagi yangilik esa faqatgina sifatida emas, balki mavjud tizimning samaradorligini jiddiy ravishda oshiradigan omil sifatida ta'sir etishi zarur. Innovatsiya bilim va g'oyaning mablag'ga aylanishidir.



Innovatsiya - korxonalar yoki tashkilotning bozorga chiqarish (amaliyotga joriy qilish) uchun mo'ljallangan ijodiy faoliyatining samarasidir. Innivatsion faoliyat oxirgi 3 yil davomida yakunlangan yangi bilimlarga sarmoya kiritishni

qo'shgan holda texnologik jihatdan yangi yoki sezilarli darajada takomillashtirilgan mahsulotlar yoki jarayonlarning yuzaga kelishiga olib


keluvchi barcha ilmiy, texnologik, tashkiliy, moliyaviy va tijorat chora-tadbirlarini qamrab oluvchi faoliyatdir.

Andijon viloyatida 2018 yilda 99 ta xo'jalik yurutuvchi sub'ektlar tomonidan innovatsion mahsulotlar, ishlar va xizmatlar bajarildi. Ulardan 55 tasi 2018 yilda, 59 tasi 2016-2017 yillar davomida bajarilgan. Bundan tashqari 2016-2018 yillar davomida 18 ta tashkilot va korxonalar tomonidan innovatsion mahsulotlar, ishlar va xizmatlar takomillashtirilgan.

Shu jumladan 87 ta kichik biznes sub'ektlari tomonidan innovatsion mahsulotlar, ishlar va xizmatlar bajarilgan bo'lib, ulardan 40 tasi 2018 yilda, 36 tasi 2016-2017 yillar davomida bajarilgan. Bundan tashqari 2016-2018 yillar davomida 13 ta tashkilot va korxonalar tomonidan innovatsion mahsulotlar, ishlar va xizmatlar takomillashtirilgan.

2018 yilda bajarilgan innovatsion tovarlar, ishlar va xizmatlar


(birlik hisobida)



Andijon viloyati bo'yicha jami 10186048,9 mln so'mlik innovatsion mahsulotlar, ishlar va tovarlar bajarilgan.


Jumladan: 2018 yilda birinchi marta o'zlashtirilgan innovatsiyalar xajmi 948404,5 mln so'm, 2016-2017 yillar davomida birinchi marta o'zlashtirilganlari xajmi 9109311,3 mln so'm, 2016-2018 yillar davomida takomillashtirilganlari xajmi 128333,0 mln somni tashkil etdi.

2018 yilda o'z kuchi bilan ishlab chiqarilgan innovatsion mahsulotlar, ishlar, xizmatlar xajmi (QQS va aksizsiz, mln so'm hisobida)



2018 yilda moliyalashtirish manbaalari va texnologik, marketing va tashkiliy innovatsiyalarga xarajatlar xajmi 35676,1 mln so'mni tashkil etdi. Ulardan korxonalar va tashkilotning o'z mablag'i hisobidan 19428,5 mln so'm,

chet el investitsiyalari mablag'lari hisobidan 3686,7 mln so'm va tijorat banklari kreditlari hisobidan 12108,8 mln so'm sarf xarajat qilingan.



2018 yil davomida innovatsion faoliyat turlari bo'yicha 35676,1 mln so'm xarajat qilingan. Jumladan :

Texnologik innovatsiyalar viloyat bo'yicha 21 ta xo'jalik yurutuvchi sub'ektlar tomonidan joriy qilingan. Jami joriy qilingan texnologik innovatsiyalar soni 104 tani tashkil etadi. Ulardan 102 tasi xo'jalik yurutuvchi sub'ektlarning o'z kuchi bilan amalga oshirilgan.

Texnologik innovatsiyalar bo'yicha qilingan xarajatlarda (kapital va joriy xarajatlarda) jami 34867,4 mln somni tashkil etdi. Undan 33075,0 mln so'm

mahsulotlar bo'yicha xarajatlar va qolgan 1792,4 mln so'm jarayonlar boyicha qilingan xarajatlar tashkil etadi.

Marketing innovatsiyalar bo'yicha qilingan jami xarajatlar 320,1 mln so'mni tashkil etgan. Ushbu innovatsiya viloyat bo'yicha 1 ta tashkilot tomonidan o'z kuchi bilan joriy qilingan.

Tashkiliy innovatsiyalarga qilingan jami xarajatlar viloyat bo'yicha 488,6 mln so'mni tashkil etdi.

2018 yilda innovatsiya turlari bo'yicha qilingan xarajatlar (mln so'm hisobida)

